

1. GOD RII MAKA MIMAKA EECHA OTIIR

G God riita nosapin yeechiniga man otiir. Otiichi seechiri rii saka hiigaharek, eena God riita hipurek, rii riiti sumaji supuk riiti popoyin piinarek, worek rii eeta hiigahar. Worek, God riita diita ma riiti hi eecha habar, Adam.

Worek, God riita lten nosap nowo yarek, eeta Adam riina heechir. Worek, eeta nowo nediik siitii tar me por eeta me riiti siiken aney ma hakasakech, iipa eechaba eechaba takiita. Akar me por tarek, ma rii siiken aney, riipa boboy kepin oti hechanak, kapasek boboyen oti heba takiita.

Worek, God riita Adam riina eecha wor, "Miita na eeta nowon hehar ta. Nokwapa nokwapa me eeta nowok tawey, yechi siiken napa a. Eeta me por rii man otiiniga, boboy kepin oti tawak, kapasek boboyin otiibato. Riiti siiken opoche atanakech. Miipa aney, miipa hakiita."

Worek, God rii eecha wor, "Adam riitaba saniga tawey, eeta kapasek. Ada riiti miman pochi otiichinak, siita riina yon kiyatayek."

7

Worek, Adam rii harapa abosuch wahir. God rii riiti meyin por yeechi omuk eecha heechir. Heechiri, sii eeta mimak siir.

Worek, God rii mima siin ye i Adam riina heechir. Worek, Adam rii eecha wor, "Siiti hapa eeta eeji kaw. Wowak, ada siina mima habato."

Worek, maka, mimaka piir kepi tar. Piir shebo shebo tar. Piir kapasek boboyekasakech.

2. MA RIITA BOBOY KAPASEK OTIIR

Eeta hopo rii eyey boboyen dagiir poye tar. Rii woshepii maji hehar ba hechar. Worek, eeta hopo rii ya mima siina woher, "Ki kapo nowoka tawa me yechi omun ki akasakech. God rii kapo eecha wor?"

Mima sii eecha awasen wor, "Yaho, si ato. Me podareba, kata nowo nedii siitii tawey, riiti siikeba sinya anachekiir. Rii eecha wor, 'Ki akasakech, neekikasakech, hanakech eena wocho."

"Ii woshepii maji. Ki hakasakech. God rii meejuwa. Kata me siik aney, wochiniga ki mey maka hechiniga iipa kepi boboyeka, kapasek boboyeka eecha ki meejiika." Eeta maji hopo rii eecha wor.

Worek, mima sii eeta me riiti siiken heri siiti miy eeta kwoya her. Worek, sii eeta me riiti siik siikiiriichi ar. Arek, kaw ma riina harek, abar. Wochi piiriiti miy eeta mey maka her. Herin piir hikir,

9

piiri maba shebo shebo tar.

Worek, piir eeta me sapin yeechiniga eecha giirii tar. Eecha otiichi tarek, eeta hogo sii nediiik piir meejiir God riita ya uwar. Ayan meejiichi piir heechi akii i kwashek tar eemik akii i veenyir. Worek, God rii ya Adam riina uwar, "Mii siitak i tawa?"

Adam rii eecha wor, "Ada miiti ayan meejiwak eena ada heechi akii iwa. Eeji maba biish tawa."

God riita woher, "Nama wowak miita biish tawa? Kicha kapo ada bokonar me siik awa?"

Worek, ma rii eecha wor, "Yaho, saka ada yeechi awa. Diita mima siita yaya ana hawak awa."

Worek, God riita miman eecha wor, "Boyewak ni eecha otiwa?"

Worek, mima sii eecha wor, "Kata hopo riita ana highi yawak eena an awa"

Worek, God riita hopo riina eecha wor, "Mii eecha otiirek, an saka maji kepi barek, miin. Miipa biika chishi tanak, miipa nosapen atakiita. Miitaka, mimaka o ana pichanak, wonyak, miiti yikapwaka mima siiti yikapwak eechaba o ana pikiita. Siiti yikapwa riita miiti masek piikiichi, eeta miita awasen riiti yatiin piikakiita."

God riita mima siina wor, "Niija hopo riiti maji meejiichiniga, ada

heechiri me siiken away, nija yikapwa yimowuney, nipa kapa meejikiita. Nija saka niji man dagiir poyetawak. Riipa sa ninya dagiir poyekiita."

Adam riin God rii wor, "Miita mima siiti maji meejichi diita ada heechiri me siik miita ar. Wonyak, diita nosap ada kapasek siikiita. Yamik tawa boboy nosapek sokwakiita. Wonyak, eyey nedii miipa keena a yo yato. Hukwiya yatana, noku pochana miipa keena atakiita. Ada nosap yeechiniga miin otiirek, worek, komas miipa hanak, nosapeka chikiita."

Worek, piir nowoka tarin, God rii wohegiya heechirek, ir. God rii eecha wor, "Eeta kapasek piir me siik aney iipa piir eechaba eechaba takiita." Eena rii piiriina wohegiya heechi irek, ejel ye ya diita me siiti nobon dasiipiir.

Ol Testamen Noma

Old Testament Bible Stories

Wycliffe Bible Translators
Kangaroo Ground, Victoria, Australia

Published 1974
ISBN 0 909569 35 5